


I MBUNGANO YA KACENGWA, AA NYIKA

 Jesu Kristo, Mwana Wakwe, alimwi wa katupa zintu zyoonse cabuuya muli Kristo. Tu li lumbide kuli Nduwe, Mwami, nkambo ka zyoolwe ezyo nzyo twaabilwa aa Cituuzyo eci cisumpukide cipati eco Jesu ncakapa nkambo ka ndiswe ku Kalivari, kuti ca katuyanzanya kujoka mu luswaanano alimwi ku luzyalo a Nduwe, kuti tukonzye kuba a luumbulizyo olu lwa kuziba kuti cili lembendwe, “Ikuti na mwa kkalilila muli Ndime, a Majwi Angu muli ndinywe, inga mwalomba eco nco muyanda, alimwi ciyoocitwa kuli ndinwe.” Lino, tuli lumbide kuli eci, alimwi twa lomba kuti Uyo tupa lusyomo ku cisyoma a koonse kuli muli ndiswe.

² Lino atubikke ambali, Mwami, kudekela koonse kwa buzuba, mapakasyo oonse a buumi obu, yoonse nzila kuzwa kuli sikulanga mayake kusika ku mweembezi, ikuti inga takukabi cintu nociba comwe mu miyeeyo yesu, pele kuba balindila, ikuswiilila ca bulemu nkambo ka Muuya Uusalala ku kanana kuli ndiswe, kuti tu konzye ku manizya cintu cimwi cibotu, kuziba kunji Kwako, kwiinda ku kuswaangana kwesu antoomwe. Nkambo, Mwami, cancobeni aako nke kaambo nco tuboola aa buzuba obo bupya. Kanana kuli ndiswe kwiinda mu Ijwi Lyako lipona, alimwi lekela Ijwi lipona likkale muli ndiswe a kukkalilila muli ndiswe, kuti inga tubambwe a kubumbwa, kutali ku nyika, pele kuba basandwide kwiinda muku citululwa kwa muuya wesu, mu ciwa ca Mwana wa Leza. Oh, myoyo yesu ila kankama cindi twa yeeya, a lutangalo lula zuzya buntu bwesu, ku zyiba kuti inga twaba batengwa bana balombe a bana basimbi ba Leza. Twa ima kumpela nkukonya kwa Kuboola Kwakwe kwabili, alimwi masi oonse a mami kaabimba kungsi aa matende esu, zintu zyoonse zya nyika zili mu kumwaika, pele mu kuziyiba kuti buzuba bumwi Uyo boola a kututola ku Bwami oko kutakabi imamanino, na, tabu ka sunzigwi. Alimwi kuyeeya kuti lino tuli i—i balelwa ba Bwami obo! O Leza, palula moyo wesu a matwi sunu, aa—aa Muuya Uusalala, kwiinda muku sanzigwa kwa maanzi a Ijwi. Nkambo twa cilomba mu Zina Lyakwe a nkambo ka bulemu Bwakwe. Amenii.

³ Ndi yanda kuboola ku ciiyo cifumo eci. Nkambo, ni Nda kanana a cintu cimwi ciindene asyoonto ikuti nikwaleelede kuba mulimo wa kuponya, pele twaambilizya kuti makkadi aa mipailo avozegwe a eiti, mane eiti-theti na naini o’kkuloko. Alimwi buyo Nda...Billy waboola ku ng’anda maminiti

masyoonto ainda alimwi waamba kuti kwali buyo basyoonto loko awa, aboobo tana vozya makkadi aa mipailo. Aboobo tuyo...Nda yeeya kubweza cibalo eci, ku kululamika kwa mbungano. Alimwi Ndi yanda kukanana a ciiyo ca: *I Mbungano Ya Kacengwa, Aa Nyika*. Ndi yanda kubala amwi eno kuzwa mu Bbuku lya Babetesi, cipati 16, kutalikila a kampango 10.

Elyo Delila wakaamba kuli Samsoni, Bona, yebo wa ndeena, a ku ndaambila bubeji: eno ko ndaambila, Nda ku lombaa, mubusena yebo mokonzya kwaangwa.

Elyo wa kaamba kuli nguwe, Ikuti na yebo wa ndaanzya intambo impya zitana belesegwa, mpawo Njo kompama, a kuba mbubonya mbuli bantu boonse.

Delila mpawo wa kabweza intambo zipya a ku mwaanzya zizyo, a kwaamba kuli nguwe, I ba Filisiti bali aali nduwe, Samsoni. Nkabela kwakali basikulindila bakali mu ng'anda. Elyo wa ka zinunsaula kuzwa ku maboko aakwe mbuli tutali buyo.

Elyo Delila wa kaamba kuli Samsoni, Kusikila eno yebo wa ndeena, a ku ndaambila bubeji: ko ndaambila mpaali yebo mpokonzya kwaangwa. Elyo wa kaamba kuli nguwe, Ikuti na yebo waluka...zyoosyo zili musanu a zibili zya mu mutwe wangu, a lusabwe.

Elyo wa kaciluka ku tusamu, a kwaamba kuli nguwe, I ba Filisiti babe atala aali nduwe, Samsoni. Elyo na kasinsimuka mu ng'onzi zyakwe, elyo wakazwa a tusamu twa zitanda, a lusabwe.

Elyo waa kaamba kuli nguwe, Ulaamba buti kuti, Nda ku yanda, nekuba mu moyo wako tuuli a ndime? yebo wa ndeena ziindi zyoatwe, alimwi wa...ku ndaambila mu busena nguzu zyako zipati mpozikkala; alimwi tona ndaambila mu busena nguzu zyako zipati mpozibede.

Elyo caka boola kucitika, cindi na ka mukataazy a majwi aakwe mazuba oonse, a ku mu sungilizya, cakuti muuya wakwe waka penga loko ca ca lufu;

Elyo wa kamwaambila makani oonse a mu moyo wakwe, a kwaamba kuli nguwe, Ta kukwe mbeli ya kaboola atala a mutwe wangu; nkambo ciindi coonse Nda kali mu Naziri wa Leza kuzwa mwida lya baama: ikuti Nda gelwa, nkokuti nguzu zyangu zilamana kuli ndime, elyo Njo kompama, a kuba mbubonya mbuli bantu bambi.

Elyo cindi Delila na kabona kuti wa mwaambila makani oonse a mu moyo wakwe oonse, waka tuma a kwiita...i bami baba Filisiti, kwaamba, Ka muza

sunu buyo, nkambo wa nditondezya mebo moyo wakwe oonse. Elyo bami bamu Filisiti bakeza kuli nguwe, a kuyandaula mali mu, na kuleta mali mukati mu janza lyakwe.

Elyo waa kamooneka a mazwi aakwe; alimwi waa kaita muntu, alimwi wa kamucitya ku gela zyoosyo zili musanu a zibili zya mutwe wakwe; a... kotalika ku mupenzya, elyo nguzu zyakwe zya kamana muli nguwe.

Elyo waa kaamba, I ba Filisiti bali aali nduwe, Samsoni. Elyo wa kasinsimuka kuzwa mu ng'onzi zyakwe, elyo wakati, Nda yinka anze mbuli lyoonse, elyo nka lyoolole. Elyo tana kazyi kuti MWAMI wa kali musiide.

4 Lino Ndi yanda kubala, kwa cibalo ca ciiyo eci, cijanwa kuya mu Bbuku lya Ciyubunuzyo, i cipati 2, kotalikila a tumpango 21 a 23.

Alimwi Nda mupa ciindi ca kweempwa bwaamu bwakwe; elyo tana kweempwa pe.

Amubone, Njo mu walila mu bulo, a baabo bacita mamambe a nguwe mukati ka mapenzi mapati, cita kuti beempwe ku micito yabo.

Elyo Njo bajaya bana bakwe a lufu; elyo mabungano oonse ayo ziba kuti Ndime oyo ulingula zyamba a myoyo: elyo Njo aabila umwi aumwi wanu mbuli ku milimo yanu.

Akuzumizigwe kuti Mwami ayungizye zilongezyo Zyakwe ku kubala Ijwi Lyakwe.

5 Samsoni, ciimo cipati mbuli mbungano, wakatalika kabotu. Wa katalika kabotu mu nzila iluleme. Wa ka talika, alimwi wakaitwa ikuti mwaalumi singunzu wantaze. Wa ka talika kweenda, kubelekela Mwami, muku bamba Majwi Aakwe a kucita Milao Yakwe. Alimwi eco cakali mbuli mbungano kuntaamo imwi. Ya ka talika, mbuli mbo tunga twaamba, mbuli bupanduluzi bwa nyika, yakatalika kweenda mu luswaanano lubotu. Katalika kubamba Milao ya Mwami. Alimwi kufumbwa kuti Samsoni waka tobela Mwami, i Mwami waka belesya Samsoni.

6 Nkambo, Leza ulakozya kubamba muntu uli oonse a kubelesya muntu uli oonse oyo uyaku Mu tobela, nkambo ngo mulimo wa Leza. Pele cindi twa tantamukila ambali, kuzwa ku zintu zya Leza, nkokuti Leza takonzyi ku tubelesya limbi pe. Cindi twa kweenda cakusitikila kutobela Milao ya Leza, cindi twa kukkala mu mapegi a Bbaibbele a kukomba aa Ijwi lilembedwe, ku Mu komba mu Muuya a mu Bwini bwa Ijwi, nkokuti Leza inga wa belesya kufumbwa muntu. Pele cindi

ba bweza muyeeyo aku tantamukila ambali kutobela cintu cimwi cimbi, nkokuti Leza takonzyi kubelesya muntu oyo limbi pe.

⁷ Aboobo, Samsoni ubamba i—i ciiminizyo cibotu loko ca mbungano ya sunu. Cindi mbungano niya katalika, Leza wakakonzya kubelesya mbungano, nkambo mbungano yakeenda kabotu kumaninina kutobela Milao ya Mwami, ya kabamba koonse kwa mbeta Zyakwe a milazyo Yakwe, a kucita yoonse Milao Yakwe. Alimwi Leza wakali ambungano. Pele ciboneka kuti kuli busena boobu buli kukompama aakati ka mbungano.

⁸ Amuyeeye, tatuli aa ciindi cakulikwaya, pele tuli mu busena bwa nkondo. Bantu banji bayeeya buyo kuti cindi baba Banakristo eeco ngu koonse nco beelede kucita, kuti eeco ca cisitikizya kwa lyaonse, mbuli mbobali Banakristo, a zintu zyoonse ziyoba zitete. Mutasoli kuba a ceeco mu mitwe yanu. Nkambo, Nda kaba Munakristo kuti ndilwane, ikulwana nkondo mbotu ya lusyomo. Nda kaba Munakristo, kunjila mu mabazu aa kwiiminina. Tu li basikalumamba Banakristo, alimwi tuleelede kwiisigwa a ku komezegwa, a kuziba mancenjela oonse aa sinkondo, ku zyiba mbu tweelede kukwabilila, ku zyiba mbo kweelede ku—ku lwana nkondo. Alimwi tu konzya buyo kucita eco mbuli Muuya Uusalala mbu yo ciyubununa kuli ndiswe. Ta tukonzyi kubweza eco cisi cimbi cimwi nce citwaambila cindi no twiinka ku lumamba, bumwi bwa mizeezo yabo. Pele tweelede kubweza mizeezo yesu tobeni, i nzila Muuya Uusalala mbunga watu lailila, alimwi amuzeezo Ngwa nga wa tupa, nkambo Ngu Sikulailila Mupati wa mpi ya Banakristo.

⁹ Samsoni wakacita cibotu, wakali muntu mupati kusikila wa katalika ku, katalika kubaanga (inga twa ciita kuti) kucita bumpelenge koonse, kusikila wa ka talika kuzwa mu cilawo cakwe mwini. Alimwi mbungano yaka beleka kabotu, alimwi yakali kabotu kusikila ni ba katalika kuzwa ku cilawo cabo cini. Samsoni waka talika kulilemeka kukwelelezya kwankwela. Alimwi tanakali kulilemeka kukwelelezya kwankwela ku basimbi bana Israyeli, waka talika kulilemeka kukwelelezya kwankwela ku basimbi ba Filisti.

¹⁰ Alimwi eci kuntaamo imwi cila konzyana kuli eco mbungano nci yakacita. Tii yaka talika kuyandana a banjiyo beni, yakazwa aku tobela batasyomi a katalika kulilemeka kukwelelezya kwankwela kuli batasyomi. Aawo mpa busena mpo twaka panga bulubizi bwesu, a bumwi bupati maningi, nciindi i mbungano ya talika kucita zintu ezyo zya takali kabotu. Ya ka talika kuba, mbuli Samsoni, a balongwe batali kabotu.

¹¹ Samsoni, kufumbwa kuti wakali mu bulongwe a bantu ba Mwami, wa kacita kabotu. Pele cindi na katalika kulilemeka kukwelelezya kwankwela a balongwe babi, mpawo wa kanjila mu penzi.

¹² Alimwi eyo njenzila mbo yibede a mbungano. Cindi mbungano niyaka tobela ca bulemu a buzuba abuzuba kutobela bweendelezi bwa Muuya Uusalala, Leza waka balongezya, a maleele a zitondeezyo a zigambyo zyaka tobela mbungano. Pele cindi niyaka talika kuba a balonwge babi, a nyika! Cimwi ca zintu zibi loko nco yakacita, alimwi zintu zitaanzi nce yakacita, ya ka talika kuba kabunga, kumwaya luswaanano akati ka basyomi bambi, nkaambo ba kajana kuti zisi zyakali kabungwe. Pele aya Makani mabotu mapati ta tuulidwe ku cisi comwe na bantu bomwe. Ali tuulidwe kuli “kufumbwa muntu uyanda, oyo aboole,” zisi zyoonse, misyobo, milaka, a bantu. Leza kwiina naka tukanzila iku panga mizila ya minyina.

¹³ Pele bantu bakali kuyanda kuba mbuli, ba leezyanisya, na kwiiya kutobela, kuunka mbuli i—i nyika ncoicita, kwaamba zintu ezyo nzyo bacita, kubamba kuzwidilila nzila mbuli mbo bakali zwidilide. Ta tukonzyi kuba bazwidilide muku cita kufumbwa cintu nyika ncoicita. Tu konzya buyo kuba ba zwidilide mbuli mbo tutobela milazyo ya Leza alimwi a nzila Yakwe yakucita zintu. Ta tukonzyi kuba, kwiinda muku likonzyanisya kwa nyika. Ikuti kkampani ya misanga ya tombwe yasisya kuzwidilila kwayo kupati loko kwiinda ku cipekupeku, alimwi a nkamu zya bukoko azya whisky zya bamba kuzwidilila kwazyo kupati kwiinda mu lugwasyo lwa cipekupeku, eco tacili citondeezyo cakuti mbungano iyobamba kuzwidilila kwayo kwiinda ku cipekupeku. I kuzwidilila kwa mbungano kulede mukati mu kukambauka Makani mabotu, kwa Nguzu zya Leza, a kutondezegwa kwa Muuya. Ta tukonzyi kwaamba kuti cipekupeku caka cita *boobo-a-boobo* nkambo ka kkampani ya misanga ya tombwe alimwi i—alimwi i makkampani aambi! Ta tujisi Lugwalo noluba lomwe lwa kusola kweezyanisya a balo bantu. Alimwi kufumbwa kuti twacita, ndiza nga twakwela myeelwe mipati ya bantu, pele tacili eco Leza nca katusalila kucita. Tu yeeya kuti nkambo kakuti tuli beebeka loko toonse, bali mukuzwidilila maningi, tubunga tupati, kucitya zintu zipati zyeebeka kucitika, ikuti nko kuzwidilila. Tu li mukufwa buzuba abuzuba aa matende esu, ku kanana kumuuya! Ikuti twa kaima bayumu bali ma milioni-aali kkumi cifumo cino, alimwi Muuya Uusalala tii wakali a ndiswe, inga twa cita kabotu kwiima bayumu bali kkumi a Muuya Uusalala a ndiswe. Ta tukonzyi kweezyanisya a nyika.

¹⁴ Alimwi cimwi ca zintu zitaanzi, cakali, mbungano yaka talika kuba kabunga lwayo. I kabunga kataanzi kakali mbungano ya Katolika, alimwi mpawo kwaka boola mbungano ya Luther. Cindi niba kabunganya mu mbungano ya Katolika kwiibamba kuba kabunga, bumwi buzuba kwakali kulila, “I ba Filisiti bali aali nduwe, Samsoni,” elyo Samsoni wakandunsula makole aa zyaanzyo zya mbungano ya Katolika, elyo Martin Luther waka boola a tubunga.

¹⁵ Mpawo ba kaanga mbungano a lukole lumbi, mbuli Delila mbwakacita. Alimwi baka talika...mu busena bwakuba bantu baitidwe a-Leza, bantu abo bakaitwa a Muuya Uusalala; ndiza tii bakazi ma ABC abo, pele bakali muzi Kristo. Mpawo mbungano yakaba mu cilengwa cikwelelezya, a kuli konzyanisya mbuli bakanazi batunzenyu. Alimwi bakapa bakambausi babo “digri lya mwiiyi,” oonse muntu wakeelede kuba Mwiiyi wa zya Buleza a bukombi. Eeyo yakali lukole lumbi lwakwaanga mbungano. Bantu bala sweeka a kwiiya, seminari aimwi isola kuzyala sicikolo uuzi loko ikutegwa ma mbungano a abo akonzye kuli ddunda, “Mweembezi wesu ngu Mwiiyi wa zya Buleza a bukombi.” Alimwi ncizi nci ba kacita? Umwi usola kuba luzibo lunji kwiinda umwi umbi. Aha, eco tacaambi cintu nociba comwe mu meso aa Leza.

¹⁶ Alimwi kwiina kuyandika ku muntu uli oonse kusola kubweza luzibo lwakwe lwa nyika a kusola kubotezya Leza a ndulo. Ngo cisesemyo mu meso aa Leza! Kwiina noyo botezya Leza a makanze azya nyika a luzibo, nkambo “ngo businkondo kuli Leza,” mbo lwaamba Lugwalo. Ta konzyi ku cicita.

¹⁷ Alimwi umwi aumwi usola kuba a loonse luzibo. Ba lizi buyo eco cakucita a majwi akwaamba, alimwi caba buyo bukanazi bwa tunzenyu mu busena bwa kutondezegwa kwa nguzu, Mulumbe wa Muuya Uusalala oyo ubbila mu moyo wa muntu a kubbutukizya zibi zyakwe. Ba kaisigwa ku bwaambauzi bwa tunzenyu, alimwi tatuyandi eco. Paulo wakati, “I Ijwi lya kaboola kuli ndiswe, kutali buyo... na, Makani mabotu, mu Ijwi buyo, pele kwiinda mu Nguzu a kuyubununa kwa Muuya Uusalala.” Eco cakaleta Makani mabotu, kutondezya inguzu zya Muuya Uusalala! Pele boonse bantu aba balaleya kuya ku maseminari alimwi ba laiya lwiyo lupati, nzila mbo beelede kwiima kumbele lya bantu, nzila mbo beelede kulipa kwabo, nzila mbo beelede kusama nzila mbo beelede kulilemeka, tabeelede kubelesya bwaambe bwa mwaambo bulubide. Lino, eco cili kabotu ku bukanazi bwa tunzenyu, pele tatuli basiku tobela majwi a mabibo aa bantu pe. Paulo wakati, “I Makani mabotu nge Ndi kambauka tana kaboola mbuli obo, pele Aka boola kwiinda muku citululwa kwa—kwa Muuya Uusalala a Nguzu zya kutondezegwa.” Ta booli kwiinda mu bukanazi bwaka bambwa kabotu, kuti busongo bwanu bube, na kusyoma kwanu kube mu busongo bwa muntu. Pele aka boola kwiinda mu kutondezegwa kwa Nguzu zya Kristo wakabuka. Aayo nge Makani mabotu, “Ku Mu zyiba kwiinda mu Nguzu zya bubuke Bwakwe.”

¹⁸ Umwi aumwi usola kuyeeya kuti musongo asyoonto kwiinda muntu umbi, kabungwe akamwi. I bana Methodisti bayoamba, “Tu jisi muntu musongo kwiinda.” I Baptisti iyoamba, alimwi a mbungano ya Kristo, azimwi zimbi, boonse bala, “Tu, tuli basongo baina. Tu, bantu besu—besu, ta

tulekeli buyo muntu uuzizilwe kwiinka kuya a kukambauka Makani mabotu.” Pele bala basala-kabotu. (O Leza, ba aluse!) Ku basala-kabotu; ikuti na bapegwa-cibasunikizya a njiisyo yabo imwi, mpawo bala babikka mu mbungano. Leza takonzyi kumuguma mu nzila iili yoonse. Ndi yanda muntu umwi kundi kambaukila oyo wa kasalwa-kabotu aa Muuya Uusalala, Leza ngwa busya, ikutali kusalwa aa muntu na tubungwe.

¹⁹ Loonse luzibo! Ba laamba, “Oh, tu lizyi koonse kujatikizya Ncico,” alimwi bamwi babo tabazi alfabeti ntaanzi ya Muuya Uusalala. Ba la Cikaka.

²⁰ Ci ndi yeezya kabbuku kaniini nke Nda kabala buzuba bumwi mu California, ikutandila myaka iili kkumi yakainda. Nda ka kabweza mu cintoolo cakaindi ca mabbuku. Nda luba oyo wakali mulembi. Ika bbuku buyo kaniini kaulwa ma seenti-aali kkumi, pesi kakali jisi kuyeeya kubotu kuli nkako nekuba kuti kakali kuboneka cakudana a camancenjela. Pele, Nda kajana cintu cimwi muya eco cakamvwiika mbuli Leza, kuli ndime. Alimwi kamwi ka twaano tuniini kakatalika mbuli boobo. Cifumo cimwi mu caanda ca nkuku cipati, kwakali mukombwe umwi muniini oyo wakali kuyeeya kuti wakali jisi loonse luzibo olo lwa keelede ku zibwa. Aboobo ulauluka atala aa bbokesi a kuuma mulomo wakwe a bbokesi, ziindi zyone na zyoanwe, waka tola mutwe wakwe muniini ku sule a ku kokoleka mbuli mbo tana mvwide mukombwe kukokoleka. Alimwi bamwi, waka kwelelezya kuswiilila kwabo, elyo wa kati, “Balindu a balombwana ba caanda eci ca nkuku, Ndi yanda kukanana kuli ndinwe nyoonse cifumo cino a makanze amwi mapati aa lwiyo nge twakazwaa kubamba.” Kaamba, “Nda jana kunji kwa luzibo mu kwiiya kwangu,” mbuli mbwa ka kwela magilazi akwe maniini ambali lya mulomo wakwe. Alimwi wa kaamba, “Nda yeeya kuti swebo to nkuku inga twa libamba kuba kabotu kwiinda mukuba a luzibo lunji. Nkabela, inga Nda mwaambila nywebo kuti mpaali, ikuti na twasya a kubeleka mu caanda cimwi na cidindi, tu yoojana vitamini limwi elyo liyo tubamba ku kokoleka kabotu, mapepe mabotu loko. Alimwi, oh, inga Nda mwaambila nywebo inzila mbo tukonzya kulibamba-kabotu mu nzila zinji zyaandene.”

²¹ Alimwi tunkuku tuniini a tsumpa twato tuniini tusalala, twaka kwiila buyo alimwi akuti, “Sena tali muyandwi na?” Alimwi ncobeni twaka mubotelwa. “Oh, ngu mukombwe mupampu loko!” Ci ndi yeezya kwa bamwi bakambausi aba ba maseminari awa. “Muntu mupampu boobu! Kunyina kaambo ka ndiswe ku gama kusowaila ciindi awa a zimwi nkuku, tu leelede toonse kuunka a nguwe.”

²² Aha, kantu ka niini kakatana mana kwaamba bukanazi bwako, kwakali nkuku niini imbi eyo yataka jisi mapepe eebeka boobo, yaka boola kaizuza mukati kuzwa kuli zimbi zya mulubuwa lwa nkuku, a kwaamba, “Balombe, kaindi buyo

kasyoonto! Nda zwaa kumvwa buyo kwaambilizigwa kwa makani mapya ali sikapepele. I nkuku zyaulwa ma seenti one atala a mpondo, toonse tuya kuku jaigwa junza! Ino mbubotu nzi luzibo lwanu nco luyocita?”

²³ Mukwesu, loonse luzibo olo ndo tukonzya kujana kuyungizya, ino mbubotu nzi nco lucita? Tuli tombe lya tukokola-tuli cisambomwe! Toonse tuli mukufwa kwiinda mu mainchi a kwiinda mu maminiti. Luzibo lwesu loonse talwaambi cintu neciba comwe. Tu yanda ku Mu zyiba. Pele bala cita eco.

²⁴ Mbuli mbu Nda kali kukanana cimwi ciindi cainda kujatikizya muyuni umwi munini, alimwi wakali kuyeeya kuti wa kalizi loonse luzibo olo—olo luyandika kuzibwa, alimwi wa kalizi kunji loko cakuti wakali kukonzya kwaambila boonse bambi bayuni kujatikizya bantunsi. Aboobo ulauluka aa cizangala cakwe a kutalika kukanana kujatikizya muntusi, obo mbwakazi koonse kujatikizya mbabo. Alimwi, mpawo buyo, mwiiyi mupati kuzwa ku Purdue waka boola a kutalika kukanana i mabala amwi mabotu-maningi kuli nguwe, alimwi kantu kaniini ka kafwinyafwinya meso aako a kunyona mutwe wakwe alimwi... Lino, wa kajisi meso, wa kali kukonzya kubona mwiiyi mupati. Wa kali jisi matwi, wa kali kukonzya kumumvwa. Pele, mubwini, tana kazi eco nca kali kwaambaula. Nkaambonzi? Ujisi boongo bwa muyuni. Ngu boongo-bwa muyuni buyo. Ngu koonse nkwa jisi. Ta jisi boongo bwa muntu, aboobo takonzyi kuyeeya mbuli bantunsi.

²⁵ Alimwi muntunsi takonzyi kuyeeya mbuli Leza! Yebo uli muntu, alimwi loonse luzibo lwa nyika talwiindi boongo bwa muyuni. Koonse nko cita, yebo ulicisa buyo lwako a ndulo. Yebo uleelede kuba a muyeeyo wa Kristo.

²⁶ I kaambo bantu nco baunka a kunjila tubunga, a kusintanya kusukana mu maanza mu busena bwa kuzyalwa kupya, bali mukusola kwee-nguluka kuzyalwa kupya. Ta bayandi kuzyalwa kupya. Alimwi ba—ba balizi tula kuyiisya mu Bbaibbele, aboobo bayanda kusintanya cintu cimwi kuli ndulo. Alimwi bantu ba Pentekosti mbabi buyo, kusola kusintanya cintu cimwi! Ba ciyanda mu bube bweebeka. Ci leelede kuba bube bweebeka maningi, “Tuyo sukana maanza a kunjila mbungano, a kuba basansailwa na ku bapatizigwa,” na cintu cimwi. Bala yoowa kuzyalwa kupya. Nda syoma ziindi zimwi Branham Tabernacle iili muku yoowa ndulo!

²⁷ Lino, toonse tulizi kuti kuzyalwa, ta Ndi kwe makani busena mpobubede, na mpaali, ku busena, ngu busofwi. I kuti na muvwanda wazyalwa a cilwi ca matu, a cibuye mbo cibede, na mu kaanda ka cibbadela ka sakatidwe-akusalaluka, ngo busofwi, munzila ili yoonse. I kuzyalwa kwa moombe, kuzyalwa kwa cintu cili coonse cimbi, ngo busofwi.

28 Alimwi kuzyalwa kupya tacili cintu ciinda busofwi! Pele bantu mba situlengwa loko, “Tu yoinka kuya ku busena nko basukana maanza. Tu yoinka kuya ku busena nkoba ta ongololi a kulila, a kuuma atala acipaililo a koompolola.” Nywebo muyanda kuba muntu loko! Nco tuyandika nkuzyalwa, kufwidilila, oko kuleta Buumi!

29 I mbuto, magwili a kaindi, mbuto ya magwili, nywebo mwabweza elyo gwili a kulibikka mu bulongo. Kusikila nywebo mukonzye kuba a magwili mapya, elyo gwili lya kaindi lileelede kubola. A mpopwe taikonzyi kuzyala buumi bupya kusikila yabola.

30 Alimwi mwaalumi a mwanakazi tabakonzyi kuba a kuzyalwa kupya kusikila bupampu bwabo alwabo beni baba babolede, kufwidilila, kaba fwide aa cipaililo, a kukwiila, kuba kunyongene koonse, ku busena i kalengwa kazwa mu kkola yako, alimwi nywebo mwa zyalwa lwabili ku Muuya wa Leza. Ta ndikwe makani nywebo na mwakwiila, kwaamba mu myaambo, kusotoka mujulu-alimwi-ansi, a kuliwida mbuli nkuku yakosolwa mutwe wayo, nywebo muli muku leta Buumi bupya! Pele tu la sintanya cimwi cintu kuli ndulo, tu yanda mu nzila ya bube bweebeka, maningi.

31 I buzuba bumwi, Bwasanu, banangu a Ndime twakali kuunka ku cintoole. Ta ndaambi kulizya kantimbwa aali ceeci. Pele mbotwa kali kuya buselemuka mu kagwagwa, Nda kazumanana buyo kunyona mutwe wangu mu nzila imwi aambi, banakazi balaaciswe. Nda kasyomezya Leza cindi ni Nda kali muntu moofu, ikuti na inga Wa ponya meso angu inga Ndi yolanga aa cintu cili kabotu. Alimwi Ndi bamba ciingano ciniini cacilengelela mu mootokala yangu. Cindi Nda bona boobo mbuli eco, Ndi langa aa ciingano a kwaamba, “O Leza, Oyo Mayubilo angu,” mbuli mbu Nda kalanga aa ciingano.

32 Nda kabona banakazi abo. Meda wakati, “Ta tuna kubona mwanakazi omwe sunu oyo usamide musinsi.” Alimwi waa kati, “Bill, langa ku mwanakazi oyo a tubbingile tuniini oto ku cibuno ca mubili wakwe onse,” alimwi wakati, “yebo waamba kundaambila kuti mwanakazi oyo tazi kuti eco cili lubide?” Kati, “Ikuti na tazi kuti cili lubide, nkokuti uli sondokede.”

33 Nda kati, “Kaindi buyo kaniini, oyandwa. Ngo muna America, ula cita mbuli bana America mbo bacita.” Nda kati, “Nda kali mu Finland kutali ciindi cilamfu, omuyandwi.”

34 Alimwi Nda kabuzya kuya ku muntu oyo waka ndikazika aa cuuno, Dokotela Manninen. Alimwi twakali kuunka ku—ku kusamba kwanseba, eco ciitwa kuti sauna, alimwi bala kutola mukati a kutila maanzi apya atala, na maanzi atala lya myaala iipya, mpawo cikupa buyo kuzwa nkansaalo. Mpoonya bala kubamba kuti usotokele mu maanzi aa caanda, elyo mpawo kujokela anze. Mpoonya yebo bala kutola mu kaanda, mpawo

kuli ba manarsi muya mukati, banakazi abo bakumba bamaalumi, (abalo kabali aciswe), ku bajosya mu ciziba. Tii nda kakonzya kunjila. Alimwi Nda kati, “Dokotela Manninen, eco cili lubide.”

³⁵ Wa kati, “Kuli kabotu nkokuti, Mufundisi Branham, eco cili lubide. Mpawo mbobuti kujatikizya ba madokotela banu bana America abo bayo samununa mwanakazi aciswe a kumu lazika atafule, kulanga langa cibeela coonse ca nkwela—nkwela eco ncajisi? Mbobuti kujatikizya ba manarsi banu mu zibbadela?”

³⁶ Nda kati, “Ndi jatile, Mukwesu Manninen, Manninen, yebo uli luleme.”

³⁷ Ino ncinzi? Ngo zilengwa. Cindi ni Nda kali mu Paris Tii nda kakonzya ku cisyoma, ikuti zimbuzyi zya baalumi a banakazi zyakali cintu comwe. Tii nda kakonzya ku cimvwisya, kuti zimbuzyi zyakali ku lubazu lwa kagwagwa zya boonse baalumi a banakazi. Tii nda kakonzya ku cisyoma eco cindi bamakaintu nibakainka ku nkomwe ku kuyamba, mulombe a muyandwi wakwe, tabajisi twaanda twa kusamina, basamununa buyo zisani zyabo zyoonse kusikila ku cikobela camamanino, mpoonya bala futata a kubika kabbingile kaniini a kuya ku kuyamba, pele cili boobo. Ta ba bikili maano kuli ncico. Ngo cilengwa ca France.

³⁸ Mu Africa, banakazi alimwi baalumi, basyoonto alimwi a bapati, takwe zisani pe, kweenda mu mabanda aa myuunda. Taakwe kuziba kuti cimbuzyi cakali nzi, na zintu, na takwe no bakaleka ku langana. Pele ta bazi i lwiindano. Ta bazi i lwaandano. Pele zilengwa zya cisi.

³⁹ Pele Nda kati, “Oyandwa, tuli baandeene, tu zwa ku Nyiika imbi. Tu li bamuzwakule alimwi a beenzu ano, nce cibamba zintu eezi kuboneka kuti zililubide. Nkambo i Bbaibbele lyakaamba, ‘Abo i baamba obo, taminina, ba tondeezya kuti balo ngo bamuzwakule alimwi a beenzu, ba yandaula munzi uu boola.’”

⁴⁰ I mwaalumi na i mwanakazi mu Italy, mu France, mu Africa, mu nyiika yoonse imbi, oyo wa kazyalwa lwabili alimwi ku i Muuya Uusalala, taciti zintu eezi. Ta bakonzyi kusama zisani ezyo. Ta bakonzyi kulilemeka obo, nkaambo mba ku Nyiika imbi ila Mweendelezi Wayo alimwi Sikupanga uli ngu Leza. Tu zwa Kujulu. I muuya uli muli nduwe, ulongelezya buumi bwako. Ikuti na yebo uli muna America, uyocita mbuli i bana America mbo bacita. Ikuti na uli muna French, uyocita mbuli i bana French mbo bacita, i kusampaula i umwi umbi. Pele ikuti uli wa Leza, uyocita mbuli mbobacita i Kujulu, nkaambo Muuya wako uzwa Mujulu alimwi Ula kweendelezya.

⁴¹ I cintu cimwi ciniini comunga mwalanga. Mu Lugwalo, abo baka yandaula oyu Munzi mupya, bakali lemeka bwaandeene.

Ba kaamba kuti bakali bamuzwakule a beenzu. Pele ku lubazu lwa Kaini, bakaba basikwendeenda a bazangi. Pele Banakristo bakali bamuzwakule a beenzu. Sikwendenda unyina muunzi, i muzangi muntu mubi. Pele muzwakule ncintu cimwi cakasimpe, alimwi ukuzwa kunyika ya kasimpe mu Nyiika imbi, kusola kujana nzila yakwe kuya ku Muunzi, kaamba kwiinda mukupona kwakwe ikuti wakali cintu cimwi kuti ukuzwa ku Cisi cimbi. Nkaako i kaambo.

⁴² Pele nekuba i bantu abo bacita boobo, bantu abo basama zintu ezyo, andi mwaambile nywebo. Mu South Africa, cindi ni Nda kabona zyuulu zyoatatwe zya bahedeni batayiide, balacinswe, basicisi basama ngubo. Kkumi acisambomwe-, kkumi alusele-, basimbi ba myaka-iili-makumi obile, balombe ibata jisi a kalembo kaniini ka zisani, kabaimvwi awo a matipa mu masyu abo, alimwi kaba pentedwe, zifuwa kwiinda mu mpemo zyabo, a zitanda zya zisamu kazilengelela ku matwi abo, alimwi a zifuwa zya bantu ziingene na zifuwa zimwi mu masusu abo, meno aa banyama atala lyabo, ka balaciswe mbuli mbu bakaboola mu nyika, alimwi tii bakacizi. Pele cindi nibaka tambula Kristo, bakavundamika masyu abo a kutambula Muuya Uusalala, bakanyamuka akuvunga maboko abo kuvumba cinswe kusika ku camba cabo, mbuli mbo bakeenda kuzwa a kujana zisani zyakusama. Nkaambonzi? Ba kaba bamuzwakule a beenzu ku nyika eyi. Aleluya! Ba kali kule kuzwa kuli Nguwe. Iiyi, munene.

⁴³ Oh, iiyi, aba bantu ba liita kuti Banakristo. Ba zulilwa ku mabungano. Ba la unka alimwi a kwaamba, “Tu li bana Methodist. Tu li bana Baptisti. Tu li ba Pentekosti. Tu li ba Seventh-day Adventists. Tuli *obu, obo*, alimwi i *bumbi*.” Eeco ta cikwe cintu nociba comwe ca kucita a ncico. Muuya wako, i buumi buli muli nduwe, kukwelelezya alimwi a kwaamba mbuli mbobede. Jesu wakati, “Kwiinda ku micelo yabo muyo ba ziba.”

⁴⁴ I mbungano yaba mbubonya mbuli Israyeli, lutaanzi. Ba kabona zyoonse zisi zya bahedeni kazi jisi mwami. Leza wakali i Mwaami wabo. Alimwi ba kabona i zisi zyoonse kazi jisi mwaami, aboobo baka yanda ku cita mbuli zisi zya bahedeni, alimwi ba ka leta lwabo mwami. Alimwi mbuli mbu baka cicita, baka njila mu penzi. Bucebuce caka talika ku njila mukati. Bucebuce i nyika ya katalika ku sobelela muli mbabo. Kumamanino ba kagolela muli Ahabu. Omwe mwaami ka boola afwaafwi mbicaani kuli ncico, afwaafwi mbicaani kuli ncico, alimwi kumamanino waka syanikizya buumi kuzwa kuli mbabo. Alimwi awo bakeenda. Alimwi cindi Mwaami wakasimpe naka boola, tii baka Mu zyiba pe.

⁴⁵ Eeco nce cintu nciconya mbungano ncoyacita. Ya lisalila nzila. Mpaawo mpo mubede. Ya lisalila nzila ya tunzenyu, lwiyo. Ya lisalila nzila ya tubunga, inkamu yabuleya, mabungano mapati, bakambausi bali kozyanisyapa kapati.

Alimwi cindi Mwaami wakasimpe aboola, taba Mu zyi, alimwi bali muku bambula Muuya Uusalala nguwenya uuli ngo Mwaami wabo. Ta ba Mu zyi, pele bala Mu seka alimwi a ku Mu fubaazy. Mbuli bama Juda mbo bakacita Mesiya wabo, mbungano iili muku cita Mesiya wayo nzila njiyonya. Ta ba ci zyi. Ta ba jisi ikubona kwa kumuuya, nkaambo bakayiisigwa cakusinikizigwa loko a meso abo alimwi eco nceba bona, mayake mapati, kusola kweezyanisya a nyika. Tatu kulwaizigwi—kakulwaizigwa kweezyanisya a nyika. Tula kulwaizigwa kuli bombya lwesu.

⁴⁶ Alimwi, omwe ngo mu munji, muli Leza. Alimwi sunu mu bavangeli baku ponya aanze mu masena aa milimo, kuli muzundano uli boobo, basikuzundana. Umwi waamba, “Aha, longezya Leza, Ndi jisi zyuulu zinji loko. Ndi jisi muswaangano mupati loko kwiinda ngojisi.” Ino ndwaandano nzi eco nco lupanga? Tu li jisi milioni yomwe na omwe, ino ndwaandano nzi nco cipanga? Sa tuli bwini kuli Leza? Sa tuli bwini ku Ijwi Lyakwe? Sena tulaima kungsi lya sunko lya Muuya Uusalala? Sa cili bwini? Eco nce cintu cipati.

⁴⁷ Pele tu lalivwanya aa Bbaibbele. I bunji bwa bantu besu bana Pentekosti, a Njiisyo zyipati zya Bbaibbele eli, ba lalivwanya. Kuli . . . Ta ndi yandi kucisa kulimvwa. Ndili mu mbungano yangu iini, alimwi Ndimvwa kuti inga Nda—Nda konzya kucita buyo nzi, mu mbungano yangu, nkaambo Ndili muku kambauka Makani mabotu. Pele kuli makumi aa zyuulu zya bakambausi bana Pentekosti bazi kuti kwiina cintu cili boobo mu Bbaibbele mbuli lubapatizyo mu zina lya “Taata, Mwana, Muuya Uusalala.” Nda zundikizya bishopo mupati, na muntu uuli oonse, kundi tondeezya aa busena muntu uuli oonse mpa kasola ku bapatizigwa mu zina lya “Taata, Mwana, Muuya Uusalala.” Pele ba lalivwanya, nkaambo tubunga twa cita boobo. Kwiina muntu naba omwe mu Cizuminano Cipy, alimwi kwa myaka iili myaanda yotatwe ni yakamana, kwiinda ku makani aakale, pele obo baka bapatizigwa mu Zina lya Jesu Kristo. Ino ncinzi? Kabunga. Nke kaka cicita. Kulimvwanya!

⁴⁸ Alimwi sunu babweza boonse ba belesi ba mutugwagwa kuzwa mu tugwagwa. Ba gwisya insaka mu mbungano. Ba gwisya boonse bulemu mu mbungano, a kujana kukambauka kwaku seminari, i kukambauka kwa mukombwe-ulakasumpa muniini wakaindi, boonse ba bube bweebeka mu nkamu yabuleya, a banakazi babo kabasama tubuddula a madilesi ayo mobajatwa kulukanda, a baalumi kufweba misanga ya tombwe, a kuuma njuka a kwaamba kudana kubi. Ngu mause ku busyu bwa Leza! Ndi lizi kuti eci nciyumu, pele nciindi umwi muntu ceelede kwaamba cintu cimwi. Kulimvwanya, kuzumina, kulilemeka mbuli nyika!

49 Ta ndikwe makani kuti na Nde elede kwiima ndelikke, kakutakwe muntu naba omwe pele Leza alikke, Ndi yo kambauka Bwini bwa Bbaibbele bwa Leza a ku Bwiiminina. Ikuti na Nda fwa, Ndi yo iminina Bwini. Ncamasimpe. Tu yanda Bwini. Ta ndi keeleki kweendelenya ku mbungano, pele kweendelenya ku Ijwi lya Leza nde Ndi yanda kweeleka.

50 Pele Delila, sena mwabona, wakalizi kuti Samsoni wakali jisi nguzu. Alimwi tana kazi a busena awo nguzu mpo zyakaledede. Tana kali kukonzya kwaamba kuti ezyo zyakali nguzu nzi, pele kwakali nguzu zipati zimwi ezyo Samsoni zyaka jisi, alimwi wakali kuyanda kuzijana. Alimwi, mbuli Delila, waka zamanana koongelezya Samsoni kucilila bubotu bwakwe. Oh, waa kali samika kasimpe cankwela. Alimwi wakeenda kumbele lyakwe alimwi waka swiilila-cakufugama mbuli bamwi baku-busyi baniini ba buzuba, alimwi—alimwi azimwi zimbi, a kuyanda kulilemeka buyo mbuli cintu cimbi, lusangabalo lwa bwaamu, ikusola koongelezya Samsoni kuli nguwe.

51 Eeco nce cintu nciconya nyika nciya cita ku mbungano. Lino zili kuli Nguzu zyako zipati?

52 “Aha, ikuti na twa ba kabungwe, eco ciyo mwaya Nguzu.” I mbungano ya Katolika yaka cicita.

53 “Pele ba Filisiti bali aali nduwe, Samsoni.” Alimwi Luther wa kazwa.

54 Mpawo ba kaba kabungwe alubo. “Ikuti yebo na wandaanga lukole lumbi, luyondijata.” Aboobo ba kacita.

55 “Alimwi ba Filisiti bali aali nduwe, Samsoni.” Ncinzi caka citika? Wesley wakazwa a kudunsula makole.

56 “Lino wa ndeena coonse ciindi. Sena tozi kuti Nda kuyanda yebo, Samsoni? Kuli kabotu, ndaambile bwini mu moyo wako.”

“Kuli kabotu, yebo ndaange a lukole lumbi.”

57 “Kuli kabotu, eno tuyo cita eco.” Ino eco ncinzi? Eeco ndukole lwa kabungwe.

58 “Yebo ndileke ndaanguluke, ikuti ta Ndi jisi kabungwe. Mpawo, Nda kwaambila yebo, yebo uyolekela ndime kudunsula.” Aboobo anze kwaka boola bana Pentekosti. Zili kuli Nguzu zyako?

“Ba filisiti aali nduwe.” Elyo wa ka dunsula ntambo alimwi.

59 Pele eno ncinzi caka citika? Ca jata bana Pentekosti, Bamayi bapati ba zya Buleza abukombi ba beembezi babo, muntu mupati umwi. Bali jisi buyo kwiiya kunji a zyatunsiya mbuli Methodisti na Baptisti, na kufumbwa bamwi babo nco ba jisi. Njila mu mbungano elyo tokonzyi kumvwa “ameni,” kutontola buyo mbuli cikungo ca ba Eskimo nkoonya kuzwa ku North Pole. Kutontola! Kancimwa! “Alimwi eno ba Filisiti bali ali nduwe, Samsoni.”

⁶⁰ I ba Filisiti bali aali nduwe, America. Buli kuli bumwi obo bwa muuya? Buli kuli bumwi bwa Pentekosti? I Assemblies of God, alimwi a United, a mbungano ya Leza, alimwi *obu*, *obo*, a *bumbi*, cimwi acimwi a cilengwa caandeene, oyu a *obo*, alimwi aumwi oyu a *obo*. Tuli andeene loko mane ulakonzya kunjila mu dolopo kuba a lubukulusyo, ikuti mbungano yomwe ya lugwasya, bamwi babo taba koojanika akwalo. I bana Kkomunisti bali aali nduwe, America.

⁶¹ Zili kuli Nguzu zyesu? Buli kuli bulemu bwesu? Ino ninzi? Nkaambo twa tobela busongo bwa muntu mu busena bwa Nguzu zya Leza! Nkaambonzi, ba bamba bakambausi besu a zintu kuba kuyuminina loko a basitulengwa, mane batu bamba kabungwe mane twaba basitulengwa loko a basicinguni, mane bantu. . . Sena mwaka sola kumvwa koongolola kuciliko mu mbungano? Ta mumvwi muntu naba omwe kulila. I cuuno caba sikulila cabikkwa mu kaanda ka buyake. Taku cikwe bulemu limbi mu mbungano. Koonse nko tucita nku kkala kwakuliiba kuyuminina mbuli mbo tukozya kuba. Ta twaangulukide. Tuli angidwe. I dyabulosi, a madaimona aakwe aa bwa syaasunu, aanga mbungano ya Leza uupona. Eeco cili luleme. Taku cikwe Nguzu limbi mu mbungano. Taku cikwe lwaanguluko limbi. I bantu bakaba basitulengwa loko a kuyuminina! Nkaambonzi, Leza kuti inga wanjila akati ka bantu bana Pentekosti, a kutondeezya kuti Ngu Leza, a kuzibya zitondeezyo Zyakwe zya bubuke Bwakwe, taci bazunganyi akwalo. Bulemu! Nkaambonzi, ngo mause! Nde enda cisi coonse, Leza kabeleka, kacita zitondeezyo, elyo bantu bala kkala, alimwi, “Aha, Nda syoma eco cili kabotu. Oh, Ndi lizyi inga cacitwa.” Ta ci bazunganyi pe! Nkaambonzi? Bali angidwe a Delila, i nyika. Bali mu zyaanzyo.

⁶² Lino akwalo bakaba jizya mukati, babaanga mu nkamu yabanabunji mpati. “I ba Filisiti bali aali nduwe, Samsoni.” Ino uyoocita nzi kujatikizya cinco?

⁶³ “Oh, tu jisi tubungwe tupati.” Masimpe. “Tu li jisi mweelwe wa bantu mupati kwiinda mbuli mbu twa ka jisi.” Pele uli kuli Muuya? Uli kuli Muuya Uusalala?

⁶⁴ Eeco nce cico dyabulosi ncaacita. Wa ongelezegwa mu mbungano. Wa zumanana koongelezya mbungano, “Boola kuli ndime, Njo kupa cikombelo cipati kapati kuya awa ikuti na uyoocita buyo *obu*. Ikuti na uyoogwisya mukambausi oyo sikwiindilizya ngo jisi, akuba a muntu, Mwiwi wa zya Buleza a bukombi oyo ujisi kuyeeya kumwi, tu yoyaka mbungano mpati ya bube bweebeka maningi imbotu alimwi tu yooba mbuli bamwi babo.” Kuusa nsoni kuli nduwe! Ndasala kuba a muntu oyo watakazi ku kkoffi yakapandulwa kuzwa ku bunyangu, pele wa kazwide a Muuya Uusalala, oyo uta limvwanyi, kwiinda mu Nguzu zya Leza.

⁶⁵ Pele cili jisi, oh, busikalengwa loko, kusikila musalali mucete umwi ulakozya kuzwidilila mu muswaangano a kwaamba mu myaambo, na koongolola asyoonto, na kucita cintu cimwi, alimwi bamwi babo bayolangisisya koonse a kulanga. “Ino cakali cinzi eco? Aha, nda gambwa na nkaambonzi? Oyo uleelede kuba sikwiindilizya waswaya cibukilambuta ku busena bumwi.” Yebo ulizi kuti mbwini! Musalali umwi mucete wanjila mukati, a ku botelwa maningi kunyamuna maanza akwe, alimwi a kulila a kulumbaizya Mwami, muntu umwi oyo uyoongolola “ameni” ku kukambauka kwa Makani mabotu, alimwi bamwi babo bala cebuka koonse a kubona eco ncaamba. Abo mbana Pentekosti. Ino makani nzi? Nywebo muli muku likozyanisya mbuli Methodisti, mbuli Baptisti; bakali kozyanisya mbuli Katolika; Katolika yakali kozyanisya mbuli gehena. Alimwi, koonse antoomwe, coonse mbuli gehena! Ncobeni.

⁶⁶ Delila wa moongelezya kunjila mu mabungano mapati, bakambausi, babotu bayiide, kubweza nkamu mbotu. “Aha, nywebo mulizi, *Boobo-a-boobo* kunselelo awa ngu simamilioni, ikuti na twakonzya buyo kumuleta mu mbunga yesu! Oh, ma!” Ikuti na ta zyalulwa lwabili, nkokuti teelede kuba kokuya. Ta ndikwe makani kuti na ujisi ma milioni a ma dollar. Ikuti na ujisi ma Cadillac aali ma kkumi one, kufumbwa eco ncajisi, uleelede ku zyalulwa lwabili, ikuboola nkukonya ansi ku kuzyalwa kupya akuba kulengululwa aa Muuya Uusalala, akuzwa awo mu kuzyalwa kupya, kuzwa mamina (mu ndijatile), a-kulila a kukwiila, aku zamanana mbuli bamwi babo mbo bacita, a kupona buumi kwamana kutondezya kuti uli Ci jisi. Amen. Eeco nco cico ncobulide.

⁶⁷ “Samsoni, ba Filisiti bali aali nduwe.” I bana Kkomunisti bali aali nduwe. I nyika ili ali nduwe. I dyabulosi uli aali nduwe.

⁶⁸ Ba la joka alimwi bala bona Muuya wa Leza kuubeleka maleele a kucita zintu zya bubuke Bwakwe, eco Jesu nca kasyomezya, ba laamba, “Nywebo mulizi, Ndi yeeya kuti Mukwesu Branham ujisi kunji loko kwa kubala mizeezo. Mweembezi wangu wakaamba kuti kwakali kwa dyabulosi.”

⁶⁹ Yebo muhedeni, wakeenwa, wakuupaupa, wakabambwa kweebeka koonse, yebo umpe mu zisani zya mbelele! Jesu wakati, “Ikuti ni mwa kandiziba Mebo, ni mwaka ziba buzuba Bwangu.” Pele muli jisi cikungo caba Saulo eco cisola ku kubamba mbuli bamwi i ba nyika.

⁷⁰ Tu yanda cikungo ca baalumi ba Leza abo bata limvwanyi aa Ijwi, pele kukambauka i Bwini alimwi a kwiima aa lubapatizyo i lwa Muuya Uusalala.

⁷¹ Pele ino i nyika ya cita nzi? Ya ka gela zyoonse Nguzu zyako. Yebo waka zyalwa uli muna Nazarite, Pentekosti, pele i nyika ca masimpe ya gela Nguzu zyako. Lino ili buyo yatukalengwa mbuli zimwi zimbi.

⁷² Ino tuyo cita nzi? Ino ncinzi ciyo citika? Kuli cintu comwe ca bulemu eco nce Ndi kozya kuyeeya ku mamanino a cibalo eci.

⁷³ Kucindi Samsoni nakaangwa! Ta tukonzyi kuba a lubukulusyoy. Amuswiilile ku mukwesu wesu usyomeka, Billy Graham, “Lubukulusyoy mu buzuba bwesu!” Amuswiilile kuli Oral Roberts kakwiila, “Lubukulusyoy mu buzuba bwesu!” Amuswiilile kuli baabo bamwi, “Lubukulusyoy mu buzuba bwesu!” Mbobuti mbotu konzya kuba a lubukulusyoy cindi notwaangidwe? Twa anga Muuya Uusalala, a tubungwe a tunsiya nsiya twesu, elyo tatukonzyi kuba a lubukulusyoy lwa Muuya Uusalala. Amen. Ndi lizi eco cilaumpa loko, a bube bwa ciindi, pele ngo Bwini. Mbobuti mbo tukonzya kuba a lubukulusyoy lwa Muuya Uusalala cindi no mwaangidwe loko akuba basitulengwa! “Ciwa ca bukombi,” Bbaibbele lyaamba kuti inga bano jisi. “Ciwa ca bukombi, pele bayo kaka Nguzu zya mbubo.” I nguzu zya nzi? I nguzu zya kabunga? I nguzu zya nyika? I nguzu zya mbungano? I Nguzu zya Muuya Uusalala! Obo mbusena bwa maseke mu mbungano. Alimwi cindi mbungano yasala nzila ya bakambausi bayiide, alimwi a mayake mapati a kasatizigwa bweebeka kabotu, mu busena bwa Muuya Uusalala wa ciyanza-cakale, inga baleelede kuba mu ncito alubo. Amen. Mbwini. Mbobuti mbomuyooba a lubukulusyoy lwa Muuya Uusalala, a bantu bala Lu zima a ku Lwaanga alimwi bali Lu yoowede? Mpaawo a busena penzi mpolibede.

⁷⁴ “I ba Filisiti bali aali nduwe.” Pele bulangizi bomwe bu lelekedwe mbotu jisi, ku ciindi Samsoni nakali mu ntolongo. . .

⁷⁵ Ino ncintu nzi citaanzi nco bakacita nobaka mujata? Ba ka mwaanga, lutaanzi. Ba ka gwisya nguzu zyakwe, ba kajana maseke akwe. Ba kajana maseke aako. I nyika yaka jana maseke ako. Lino nywebo no banakazi nyoonse no mugela masusu anu, cileenda mbuli nyika. Nywebo no baalumi nyoonse no mwiinka akulilemeka mbuli nyika. Cili kabotu, ikwaamba kudana a kudana kubi, alimwi kuzwa a kufweba misanga ya tombwe misyoonto, a kuya bu kwenkwelesya ba makaintu ba basimukobonyokwe, alimwi a zintu zyoonse zimbi mbuli eco, cakunywa cabuleya cisyoonto kuti mujatilile ncito zyako. Inga ndasala kulala aa dda lyangu akulya tubbisiketi twa soda a kunywa maanzi aku kalonga, alimwi a kukkala ca kusalala a kusetekene kumbele lya Leza, kwiinda ku limvwanya nkambo ka musyobo uli oonse wa ncito. Eco cili luleme. Mbwini. Kkala ca bwini kuli Leza.

⁷⁶ “Samsoni, i ba Filisiti bali aali nduwe.” Branham Tabernacle, cilengwa-canyika cili muku sobelela akati kanu. Ino kujatikizya ncico? Sa mwa yubununa maseke anu? Sa mwa yubununa maseke ayo Leza nga kamupa ciindi nimwakali ku bumbuluka awo mu lusuko lwa zisamu myaka misyoonto yainda? Sa mwa cilekela ku sobelela kuzwa a bukombi bwa ciyanza, bwa buleya? Ncinzi ca citika kuli

ndinywe? Leza ulakonzya ku seluka a kucita maleele a kuya ansi mpoonya kwiinda mu nkamu ya bantu a kwaambila bantu maseseke a myoyo yabo, alimwi a zintu zyoonse, alimwi a kuponya baciswa a bapengede, a kucita zitondeezyo a zigambyo, a kukambauka Ijwi Lyakwe ca nguzu mbuli mbo bakonzya, kwiinda ku Muuya Uusalala; a bantu balamba, “Aha, Nda syoma eco cili kabotu. Tu la botelwa ku swiilila mu ciindi aciindi, ikuti na tatu katede loko.” Eeyo ngu Branham Tabernacle. I ba Filisiti bali aali nduwe.

⁷⁷ Cindi, kwakali kunga ciindi kukambauka kwa Ijwi, a basalali bakaindi a misozi mu meso abo, bakali kunga ba nyamuka matende abo a kweenda, kwambaula kumwi akulila, ndiza kutaamba ibbala, kuya bweenda buyo koonse, ziindi zyobilo na zyoatatwe, alimwi a kukkala, ku zuzigwa loko a Muuya Uusalala! I Ijwi lya kaba sanina! “Muntu taka poneni a cinkwa cilike, pele a Ijwi lyoonse elyo lizwa ku mulomo wa Leza.” Ba filisiti aali nduwe, Branham Tabernacle.

Ba filisiti aali nduwe, Pentekosti.

⁷⁸ Mukuti, i ba Filisiti baku jata, bamwi ba ndinywe, ciindi cilamfu cainda elyo ni mwakaba kabungwe lwanu canguzu loko, kwiina cintu cakali kukonzya kunjila cita kuti wakali muna Presbyter, Baptisti, Methodisti, Katolika, na cintu cimwi. Inga no takakonzya kuba cintu cakucita nociba comwe abamwi babo.

⁷⁹ Aboobo, lubukulusyoo mu buzuba bwesu? Mbobuti mbotukonzya kuba andulo cindi sikupa-lubukulusyoo uzizilwe ulaangidwe aa nyika? Leza takoonjila awo nyika mpoibede, nywebo inga mwalangilila ali eco. Nywebo mwaba baswaangana a nyika, mpawo ngu—ngu koonse kwa ncico. Cindi nywebo mwalekela nyika ku sobelela mukati, nywebo mwaunka ka mulilemeka mbuli nyika, nkokuti nywebo muli manide. Pele cindi mwakosola kwaangununa zyaanzyo zyoonse kuzwa ku nyika, alimwi aku boola kuli Leza, Leza uyo mu belesya mwaleka kuunka ku kulilemeka kukwelelezya kwa nkwelela alubo.

⁸⁰ Mboobu bulangizi bolike obo mbo Ndi jisi cifumo cino, kumana Mulumbe wangu, ngu kooku, “Kuciindi Samsoni nakaangidwe, cooso cipya ca masusu caka komena.”

⁸¹ Leza tu tumine Mbungano imbi kaku tanaba buyo ciindi ca mamanino, kuti Nguzu zya Muuya Uusalala zinjile muli njiyo, mu kutondeezegwa kwa Muuya, a Marko 16 inga ya tobela Mbungano, Incito 2:4, Incito 2:38, koonse kwa njiyo kuno tobela nkukonya antoomwe a Mbungano. Zitondeezyo a zigambyo zileenda antoomwe a baapostolo. Zitondeezyo zipati zya bubuke Bwakwe zileenda antoomwe a mbabo. Kuciindi notuli mu ntolongo, cancobeni Leza uli muku komezya zisyango ku busena bumwi, ku kusaala kupati kwa mamanino.

A cibe nduwe, mweenzuma wangu Munakristo awa cifumo eci, acibe nguzu zyako zya talika kukomena. Nda komba kuti Mulumbe oyu cifumo cino, alimwi anze mu nyika ku busena oyu nko uyoinka, Nda syoma kuti Mulumbe oyu uyogwasya kuleta vitameni ku cijanza cako eco ciyo komena kuba Nguzu zya kumuuya kujokela mu buumi bwako alubo.

Atu kotamike mitwe yesu a kukomba.

⁸² O Mwami Leza, Cilenga wa Majulu a nyika, Mukamwini wa Buumi Buteeli, alimwi a Sikupa wa zipego zyoonse zibotu a zya kumuuya, bweza majwi aya cifumo cino a kwaabikka mu moyo, a kwaatilaila, Mwami. Akube kuti bantu bakombele zintu ezi, mu kubona kuti i nyika yoongelezya mbungano alimwi kumamanino ya jana Nguzu zya njiyo, jana busena bwa maseke ayo, jana awo maseke ayo mpalede, alimwi ya gela. Yabweza bantu abo ba koongolola kuzunda lomwe, lomwe bakali jisi kuzunda, alimwi ya zigela, ku kkala ku ng'anda masiku muli Bwatatu kuti bebele bweende bwa cipekpeku. Kwabweza lutangalo kuzwa ku myoyo yabo, a kubapa luyando lunji lwa nyika kwiinda mboba jisi kuli Leza. Kwabapa nyika loko, nkambo ka zyanyika, kuyandisisya loko ku lisangabalisa kwa nyika kwiinda kuba kukambauka Makani mabotu. Ikuti na kunyina nkamu mpati ya bayimbi a kunji kwa kuzumanana, a koompola a kuzumanana, mpawa ta bayandi Makani mabotu, limbi pe, ayo aleta misozi ya lutangalo ku buntu, oko ku leta kuponesegwa kwa Buleza, oko ku boozya zipego zya buapostolo ku mbungano, oko ku leta mukati Kristo wakabuka, i Mesiya wa buzuba bunu.

⁸³ Pele mbuli Israyeli mboba kaangidwe a—a bami babo, kuti tii baka konzya kutobela i Mwaami wa bwini; alimwi i Mwaami wa bwini, cindi Na kasika, tii ba kakonzya ku Mu zyiba. Aboobo mbo cibede sunu. O Mwami, i Mwaami wa Bulemu wa libonya mu ciimo i ca Muuya Uusalala, alimwi, Mwami, ta ba cizyi. Ta ba ciibaluki. Bali kabungwe loko canguzu loko, kuti taba cimvwisiyi, nkaambo tacili mu kabunga kabo. Mwami, oyu mulimo wa dyabulosi oyo wacita eci ku bantu.

⁸⁴ A kube kuti Samsoni wa Leza, a kube kuti ba bwini mu moyo, abo bali muku kuyandisisya a kulila, a kukombelezya a kujatilila, a kube kuti bakkale a ncico, Mwami, kusikila cisyango eci cipya cikomena, kusikila ku boole alubo lutangalo mu Zioni, alimwi mpaawo kwa boole nkamu eyo iziba a kumvwisiya, abo bakonzya kubona Mesiya a Nguzu zisisidwe ezyo zya kasiswa ku nyika, ezyo kuti ta bakamvwisiyi eno. Kopa, Mwami, kuti bayo bona eci. Nkambo twa cilomba mu Zina Iya Jesu. Amen

[Kabeela katakwe cintu aa teepu—Mul.]

...Nguzu buyo eno,
O Mwami, tuma Nguzu ciindi ecino
A kubapatizya umwi oonse.

Ba kali mu ng'anda ya mujulu,
 Ba kali mu kuzuminana komwe boonse,
 Cindi Muuya Uusalala niwaka seluka
 Oyo waka syomezegwa aa Mwami wesu.

O Mwami, tuma Nguzu Zyako ciindi ecino,
 O Mwami, tuma Nguzu Zyako ciindi ecino;
 O Mwami, tuma Nguzu ciindi ecino
 A kubapatizya umwi oonse.

⁸⁵ Obo mbo Ndi Mu yanda! Tuma buyo Nguzu Zyakwe! Ba kali mu ng'anda ya mujulu, boonse a kuzuminana komwe. Yoonse nyika yakali gwiswidwe kuzwa kuli mbabo. Ba kali sukumwidwe, elyo Muuya Uusalala waka boola.

⁸⁶ Sunu ba laamba, “Boola, ba cibeela ca mbungano, bikka zina lyako mu bbuku. Na ku kotamina a kwaamba, ‘Nda amba Kristo mbuli Mwana wa Leza,’ wasintamuka.” I dyabulosi ulacita cintu nciconya. Ncamasimpe. I dyabulosi waka bapatizigwa cindi Judasi naa kabapatizigwa. I dyabulosi wakainka kuya a kukambauka Makani mabotu cindi Judasi naa kaunka kuya a kukambauka Makani mabotu. Pele dyabulosi tanaka jana Muuya Uusalala. Nce ncico. Mpaawo awo aali Nguzu zisisidwe, obo bubuke, abo bazi ca kaanzambwene, kwiindilila cimvule ca kuzumbauzya. Ameni.

⁸⁷ Uli aano. Oyo Muuya Uusalala nguwenya, oyo Umwi wakali aali Mesiya, ucili aa Mbungano Yakwe. Kwiina nazwa pe. “Njo ba a nywebo lyoonse, akwalo muli ndinywe, kusika ku mamanino a nyika. Njo bako. I milimo Nje cita, a nywebo muyoicita. Minji kwiinda eyi mu yoicita, nkambo Nda inka kuli Taata Wangu.”

⁸⁸ Pele nyika iila cimvwanya, “Oh, ayo mazuba akainda!” Buyo eco dyabulosi nca yanda nduwe kucita. Ba yanda nduwe kubotya bubi. Leza uyanda nduwe ku bapatizigwa. Leza uyanda nduwe... Yebo wati, “Oh, Ta ndi syomi koonse oko kuliko kwa ku-zumanana.” Koya ambele a kupona, koya ambele akupona mu cibi cako, pona mu cibi cako. Pele kusikila yebo wabola, mane yebo wabola ku muzeezo wako wini, mane yebo wabola ku ziyanza zyako zini, a ku lengululwa alubo kuzyalwa lwabili, alimwi obo Buumi bupya buyoba antoomwe bwiindene kuzwa kuli bumwi obo bwakainka ansi.

⁸⁹ Inseke ya mpopwe ilainka ansi kaili yelo, ilamena kaili gilini. Ilainka ansi anguzu, yayakilwa mukati, ilamena kiili nteteete akuunga muwo. Oh, bulemu! Aleluya! Cindi myuwo watalika kuunga, inseke taikonzyi kucita cintu neciba comwe pele kulyeenzya lwayo, kusunzuka, pele katuvu kaniini i—i kaniini kala pekema akutangala, kumena mpawo, kala liyumya lwako. Ta kakonzyi kuba katuvu kusikila mpopwe yafwa a kubola. Kutali kufwa buyo; pele kubola. Konzyi kujokela alubo limbi, pele buumi bulazwa muli njiyo.

⁹⁰ Mbuli mbu Nda kaamba kaindi kainda, ku zyalwa cintu ci sesemya, cibbi, tombe, busofwi loko bwa cibbi, pele eco mpempawo alede buumi. Cindi wa liyeya lwako kuba busofwi loko, koyeeya tuyanza twa buzumini twako twa Methodisti, Baptisti a Pentekosti kuba busofwi loko, a kufwidilila aa cipaililo, mpoonya Buumi bupya bwaboola mukati. I Muuya Uusalala ula kubamba mukati atala ceeco; ula bona Leza.

⁹¹ Tu yo Mu bona buzuba bumwi bwa bulemu. Buzuba bumwi kuta mvwikkwi a muntu uufwika, tu yo Mu bona. Mula cisyoma eco? Buzuba bumwi kuta mvwikkwi a muntu uufwika, oko kula ndilindila ku kkomana kwa juunza.

⁹² Nda kaliimvwa awo ku kkona masiku ainda, alimwi kuyeeya kuti Nda kabona Rabbi Lawson muniini. Cindi nakali kunga uli anselelo awa, a kusika koonse a nkoli yakwe yakaindi a kundikwela a nsingo yakwe, kuzyunguluka nsingo yangu yoonse a nkoli yakwe, atala ku cikambaukilo, alimwi a kwiimba nyimbo eyo, “Okokula ndilindila i . . .” [Kabeela katakwe cintu a teepu—Mul.] . . . ? . . .

⁹³ Cimwi cintu cakacitika! Ca ka gwisya nyika. Nda ka talika kubona zintu bwaandeene. Nda kali bilika kunji loko kujatikizya nzila bantu aba bana America nzobali mukucita, ca kuzumanana, mwaka a mwaka, kubona banakazi a baalumi obo mbobali mukulisampaula lwabo a kuzwa kunjila mu cibi, kusikila Nda katiibe a kuciswa, ziindi zyonile na zyoatwe, kandi libilika aali ncico. Jilo, Nda kati kuli Leza, “Ta ndi kali biliki limbi. Ijwi Lyako lya kaamba kuti ciyoba boobo. Pele Ndi yoima akati a ku ciitapatila, acoonse eco cili muli ndime.”

⁹⁴ I buzuba bumwi, kandiimvwi ku Green’s Mill, mpangala yangu, kaindi mu nkanda, ndakali kukomba buzuba boonse. Alimwi kutandila thrii okkuloko, izuba lyakali kubbila, alimwi Nda kali kwiimvwi kuya kandilanga koonse, ndakazwa mu mpangala, kutala ku mwaala mupati. Alimwi Nda kali kwiimvwi awo, kandi langide ku Kujwe, kandi lumbaizya Mwami. Alimwi Nda kabona izuba kalibbila kunze lya masamu kutala atala a cilundu, mbuli mbu Nda kalanga koonse mu kkuti damfwu ku njila muli aambi, a kunji kwa matu aali nkuko, mbuli mbu kwakaumwine buyo mbuli mbo cikonzya kuba. Alimwi Nda kati, “Mwami, bumwi buzuba Yebo waka sisa Musa mu mpako ya mwaala, alimwi Yebo wakainda munsu lyakwe, nkaambo wakali katete. Pele Yebo wakainda munsu, wa kati ci ‘boneka mbuli sule lya muntu.’” Nda kati, “Ndisise mu mpangala, Mwami.” Kutandila ciindi eco, kuya ku lubazu lumbi lwangu, mpawo kwaka boola Guwo liniini kali boola ansi kwiinda mu masamu. Lyakeenda mpoonya kumbali, lyaka seluka mpoonya munsu lya lubazu lwangu, Guwo liniini kali boola ansi, lyakainka ansi kwiinda mu masaka. Nda kaima awo.

Buzuba bumwi, Leza alikke nguuzi i buyo
 busena na cindi,
 I mavwili aa buumi bufwika oonse ayoima nji,
 Mpawo Njo unka kukkala aa kalundu ka Zioni.
 Buzuba bumwi kutasikwa kumvwisya ku
 muntu uufwika,
 Buzuba bumwi, Leza alikke nguuzi i buyo
 busena na cindi,
 (Ino ncinzi ciyocitika? Uyo jala, oonse aya
 mavwili maniini kweenda.) I mavwili aa
 buumi bufwika oonse ayoima nji,
 Mpawo tu younka kukkala aa kalundu ka
 Zioni.

Kulyuumba kwaansi, nkalaki mbotu,
 Kai boolela kubweza ndime kuya ku Muunzi;
 Kulyuumba kwaansi, nkalaki mbotu,
 Kai boolela kubweza ndime kuya ku Muunzi.
 Ikuti na wasika kuya Mebo kanditana,
 Kai boolela kubweza ndime kuya ku Muunzi;
 Ambila Mukwesu Bosworth, a boonse
 beenzuma bangu, abalo,
 Buyo kai boolela kubweza ndime kuya ku
 Muunzi.

Lino kulyuumba kwaansi... (Iyo jimpa ansi
 buzuba bumwi a kundi nyamuna)...
 nka-...
 (Zisamu zyoonse ziyooaba mulilo; i Baangelo
 ba Leza, nkalaki ya mulilo)...ya kubweza
 ndime kuya ku Muunzi;
 Kulyuumba kwaansi, nkalaki mbotu,
 Kai boolela kubweza ndime kuya ku Muunzi.

⁹⁵ Bumwi bwa mazuba aya, bumwi bwa mazuba aya mu
 zibeela zyaansi zya ma oora aa lufu lwangu, Nda Mu langila
 ku boola. Eco cili luleme.

Nda kalanga a Jordano elyo ncinzi nce Nda
 kabona
 Kai boolela kubweza ndime kuya ku Muunzi;
 (mbuli Eliya wakaindi kalangide aa Jordano)
 I nkamu ya Baangelo bamweka kaba boolela
 ndime,
 Ba kali ku boolela kubweza ndime kuya ku
 Muunzi.
 Kulyuumba kwaansi, kusika ansi loko,
 nkalaki mbotu,
 Kai boolela kubweza ndime kuya ku Muunzi;
 Kulyuumba kwaansi, nkalaki mbotu,
 Kai boolela kubweza ndime kuya ku Muunzi.

⁹⁶ I Mwami Jesu, Sikweenzya ulelekedwe wa nkalaki eeyi, Namutekenya wendelezya bwaato bwa kaindi bwa Zioni, i kaato ka Buumi, kakaza ansi kwiinda mu buyake, kukanana, Busyu Bwakwe buli ano. I Muuya Uusalala nguwenya waka Mu busya kuzwa mu cuumbwe uli ano.

⁹⁷ Mukuti tii bavozya makkadi aa mipailo, sena kuli muntu uli oonse awa wazwa kutali mu dolopo, oyo ngo Ndi tazi, oyo uli ano kuti a paililwe? Nyamuna mujulu maanza ako, oyo ngo Ndi tazi. Nyamuna mujulu maanza aako, ta Ndizi. Yebo, yebo kuya. Nda syoma muntu muniini ujisi kalezu kaatala ku sule kuya, muntu umwi wanyamuna janza lyako? Kuli kabotu. Ku sule kuya, yebo, munene. Kuli kabotu. Nywebo nyoonse muli beenzu kuli ndime? Kuti Mwami Jesu, Mweembezi nguwenya wa butanga ano, sena mula syoma kuti zisyomyo Zyakwe zya bwini? Ula nanika mbungano Yakwe, elyo “I milimo Nje cita, muyo cita, akwalo. Yalo mipati kwiinda eyi muyo cita, nkambo Nda inka kwa Taata Wangu. Kunji kwiinda eeci!” Nywebo mulasyoma eci?

⁹⁸ Sa yebo wa nyamuna janza lyako ikuti yebo to ndizi? Sa yebo ulasyoma kuti Leza ulakonzya ku ndaambila eco cili mu moyo wako, ula konzya kukanana kuli ndime mbubonya buyo Mbwa kacita ku mwanakazi waka guma cikobela Cakwe? Sena ulasyoma kuti Ngu Mupaizi Mupati oyo ukonzya ku gumwa kwiinda mu kulengauka kwesu? Ikuti Leza uyo yubununa kuli ndime ziimo zyanu, sa muyo ndi syoma kuba musinsimi Wakwe, a kusyoma kuti Busyu Bwakwe buli ano alimwi ako nke kaambo Nca cizumizya? Uli mu kukombela mukaintu wako. Ujisi kasolo ka tyokede, kasolo ka gwejukide. Eco cili luleme. Ikuti na cili luleme, nyamuka. Kuli kabotu, koya uka mujane, kali kabotu. Amen.

⁹⁹ Ino kujatikizya nduwe ku sule kuya, muntu muniini oyo wa nyamuka, oyo wajisi kalezu kaatala? Yebo ulasyoma a moyo wako na? Sena ulasyoma Leza inga wandaambila mapenzi aako na? Yebo ulasyoma mwana wako mulombe uyooba kabotu na? Ula cita? Ulijisi mulombe, ujisi kulebuka kwa boongo. Eeco cili luleme. To li. . . Nkuzwa nku Kentucky. Ikuti na eco cili luleme, nyamuna mujulu janza lyako. Ta ndi kuzyi yebo, sa Nda cita? Ikuti na Nda cita. . . Nyamuna maanza aako mbuli *obo*, tatuzi umwi aumwi. Eeco cili kabotu. Kusyoma kuli Leza. Sa yebo ulasyoma? Mbuli mbo syoma yebo, kajane mulombe wako mu nzila yebo njo syoma. Kobikka buyo yebo aa moyo wako.

¹⁰⁰ Nguni awa wanyamuna maanza akwe mujulu, oyo ngo Ndi ta—ta. . . Wali nduwe na? Kuli kabotu, mudaala, sena ula syoma kuti ndi musinsimi wa Leza? [I mwaalumi waamba, “Ameni.”—Mul.] Ula cita, a moyo wako oonse? Yebo tolede a kunyamuka, koimvwi buyo mpoonya awo. Kuli kabotu,

munene, ino penzi lyako ninzi, yebo ujisi sugar diabetesi. ["Eeco cili luleme."] Alimwi cili muku penzya tende lyako. ["Inzya."] Yebo uzwa ku Ohio. ["Inzya."] Zina lyako ngu Ba. Miller. ["Eeco cili luleme."] Ko joka ku muunzi a kuba kabotu. Kuli kabotu, syoma a moyo wako oonse. Kuli kabotu.

Yebo ula syoma a...Ci syome. Ikuti na ulakonzya kusyoma!

¹⁰¹ I mulindu uukede awa, sa yebo wa nyamuna janza lyako? Mulindu mupati, uusamide magilazi, yebo ula syoma a moyo wako oonse? Yebo ula syoma a...Yebo ula syoma kuti ndi muzike wa Leza? Yebo ula cita? Kuli kabotu, ikuti na Leza ula konzya ku ndaambila elyo penzi lyako, uyo syoma na? Penzi lya moyo. Kuli kabotu, nyamuna mujulu janza lyako kuti na eco cili luleme. Kuli kabotu.

¹⁰² I mulindu awa munsu kuli nduwe, wanyamuna mujulu. Moyo; pele ngu meso aako cancobeni. Ndi li muzyi. Kuli kabotu, ikuti yebo ulakonzya kusyoma!

¹⁰³ Ku sule kuya, mwaalumi ucilila ku sule kuya ujisi penzi lya moyo, awalo, alimwi a bulwazi bwa lukanda. Sena yebo ulasyoma kuti Leza uyo kubamba kuba kabotu? Yebo ulacita, munene?

¹⁰⁴ Kuli mwaalumi ku sule kuya ku busena bumwi, wanyamuna maanza aakwe mujulu oyo wata...Ba. Schubert. Kuli kabotu, munene. Kuli kabotu, sa ula syoma? Ngu kaambo ka meso aako, akwalo, tacili ncico na? Yebo uli muku kombela banyoko ba kkede anze kuya, akwalo. Ikuti na eco cili lileme, nyamuna mujulu janza lyako. Tuli beenzu. Sa eco cili luleme? Sukana janza lyako, sukana janza lyako kuli umwi aumwi. Kuli kabotu, eco cili luleme. Ikuti yebo ulakonzya kusyoma, yebo ulakonzya ku tambula!

¹⁰⁵ I Jesu Kristo wakabuka uli mu buyake. Ngu Umwi nguwenya. Ino Ci cita nzi kuli ndinywe? Sena nywebo mwa lekela nyika kunyonka nguzu zyoonse kuzwa kuli ndinywe? Bulemu! Ndi yanda kuzyalwa kupya! Ndi yanda Buumi bupya! Ta ndikwe makani na muyeeyo nzi uboola aali Nkuko, ikuti na Ndeelede kuba mu bumbulusi uusalala, kufumbwa cintu. Ta ndikwe makani na muyeeyo nzi uboola aali Nkuko, ikuti na Nda ba mubumulusi uusalala, kufumbwa cintu. Ta ndikwe makani na muyeeyo nzi uboola aali Nkuko, Ndi yanda Muuya Uusalala wa kasimpe mbuli mbouli ali ndime eno. Ndi yanda Ku ubamba! Inga nda sala kuba a Nguwo kwiinda zintu zyoonse zya mu nyika. Ameni! Sa nywebo mula syoma? Sa nywebo mula syoma kuti Mpali ano?

¹⁰⁶ A mubikke maanza anu ali umwi a umwi, mpawo. Mu ndaambile cintu comwe cimbi Nca konzya ku cita. Kunyina. A mube a lusyomo eno. Amusyome kuti camana.

¹⁰⁷ Mwami Leza, Cilenga wa Majulu a nyika, Mukamwini wa Buumi Butamani, alimwi Sikupa wa zipego zyoonse zibotu, Muuya Wako uli aano ca kunanika loko, Mwami, kuboneka mbuli kuti buyake buli mu-kuyoya, kweenda ooku a kooko. Nkaambonzi bantu taba konzyi kucimvwa, Mwami? Sena ba—ba baswaangana a nyika kunji loko, alimwi baba ba tontola loko a batulao a basitulengwa, mane taba konzyi ku Ku ziba limbi? Mwami Leza, kucitwe kuti Nguzu ezi zyuume muntu oonse, a muntu oonse abe waponese-gwa, sizibi oonse ku futulwa, alimwi Leza jana bulemu. Kwiinda muli Jesu Kristo, Mwana wa Leza, Nda ci lomba. Amenii.

¹⁰⁸ Sa mula cisyoma? Munyamune maanza anu mujulu. Sena mwatambula kuponesegwa kwanu? Leza a mulongezye. Lino kamuya a kuyo cijana nzila njiyonya nywebo mbu mwa syoma, ciyooba mu nzila eyo. Nda bona zilengaano kazicitika mpawo aali bambi. Eeco cili luleme. Nde elede ku jokela masiku aano.

¹⁰⁹ Ikuti na nywebo ta musyomi eno, nywebo ta mukwe no muyo syoma pe. Eeco cili luleme. Jesu waka cicita cimwi ciindi, alimwi ba kati, “Yebo nduwe. . .Tu lizi cindi Mesiya aboola, Uyo twambila eci.” Waa kati, “Ndi lizyi Mesiya uyo cita eco. Pele Yebo Nduwe ni?”

Wa kati, “Nde Ndime.”

¹¹⁰ Nkabela waka zuzila mu munzi a kwaamba, “Amuboole, mubone Muntu Oyo wakazi obo mbo Nda kabede alimwi eco nce Nda kacita. Sa oyu tali Mesiya?”


¹¹¹ Pele wakati, “Ezi zintu ziyo ba alimwi mu mazuba aa mamanino. I Mbungano ino kambauka Bwini, I noyo imvwi aa Ijwi. I noyo cita yoonse Milao ya Leza. Ta kukwe niyo li swaangana a nyika. Alimwi kwiinda awo Njo enda a kucita zintu nzinzyonya.”

¹¹² Pele Wa kati, “Ba yooba basikainya, basikuli-sumpula, basikuyanda misaalo kwiinda basikuyanda Leza, basikujaya zizuminano, a sikulengelezya twaambo, ba jisi ciwa ca bukombi,” ba sibukombi loko, kuya ku zikombelo. “Ba jisi ciwa ca bukombi, pele kaba kaka Nguzu zya mbubo. Kuzwa kuli bali boobo kofutata!”

¹¹³ Nywebo no bantu, kufumbwa nywebo no mwali mu mbungano, abo Mba yiita buyo eno, cilengaano cazwa kuli ndime. Ikuti—ikuti obo bwali bwini, eco nce Nda amba, alimwi mebo mu kutaziba eco kuli nduwe, amunyamuna maanza anu mujulu, kufumbwa na wali ni. Koonse mu mbungano, muntu oonse—oonse. Kuli kabotu. Mwabona? Nse bazyi pe, sena babona pe; pele Muuya Uusalala uli ano elyo Uli bazyi. Ta mukonzyi kubona kuti tandili ndime na?

¹¹⁴ Amuswiilile! Ikuti na Uyo ndi syoma loko aceeco, Uyo ndisyoma a Bwini bwa Ijwi, nkaambo Bwini bukonzya buyo kuboola kwiinda mu Ijwi. “Mweempwe, umwi aumwi,

alimwi a kubapatizigwa mu Zina Iya Jesu Kristo, nkambo ka kujatilwa kwa zibi, elyo muyo tambula cipego ca Muuya Uusalala, nkambo cisyomyo cili kuli ndinywe aku bana banu, balo abo bali kulaale, akwalo boonse Mwami Leza wesu mba yoita.” Nywebo mwa cisyoma? Kuleelede kuba mulimo wa lubapatizyo mu kaindi buyo kaniini.

¹¹⁵ Atu kotamike mitwe yesu. Ndi yo lomba mweembezi kukomba kuciindi nobacili muku bamba zya lubapatizyo. Ndi yeeya kuti kuli mulimo wa lubapatizyo uuboola. Kuli kabotu. 

I Mbungano A Ciimo Cayo
(*The Church And Its Condition*)
Iwivwi 5, 1956, Munsondo Kuseeni

Mulyango Uu Manikide
(*Strait Is The Gate*)
Miyoba 1, 1959, Munsondo Kuseeni

I Mbungano Ya Kacengwa, Aa Nyika
(*A Deceived Church, By The World*)
Gandapati 28, 1959, Munsondo Kuseeni

Eyi Milumbe aa Mukwesu William Marrion Branham, yaka kambaukwa mu Chikuwa ku Branham Tabernacle mu Jeffersonville, Indiana, U.S.A, yaka gwisigwa ku ma rekkordi ya magnetiki teepu a kulembwa mu Chikuwa. Obu busanduluzi bwamu Chitonga bwakalembwa a kumwaisigwa aa Voice Of God Recordings.

CHITONGA

©2015 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org